



Komisija za vanjsku trgovinu i carine
Povjerenstvo za vanjsku trgovinu i carine
Broj 01/3-50-1-3-29/09
Sarajevo, 12.marta 2009.godine

Комисија за спољну трговину и царине

Z A P I S N I K

29.sjednice Komisije za vanjske trgovinu i carine Predstavničkog doma Parlamentarne skupštine BiH, održane 12. marta 2009. godine

Sjednica je počela u 14,20 sati.

Sjednicom je predsjedavao privremeni predsjedavajući Komisije Slavko Jovičić.

Sjednici su prisustvovali članovi Komisije: Salko Sokolović, Jerko Ivanković Lijanović, Jozo Križanović i Hadži Jovan Mitrović.

Opravdano su odsustvovali: Mehmed Suljkanović, Šemsudin Mehmedović i Ekrem Ajanović.

Sjednici su prisustvovali: Miroljub Krunić, pomoćnik ministra finansija i trezora BiH, Tinjak Hamdo, sekretar MVTEOBiH, Lamija Kozarić-Rahman, generalni direktor IGA-e, Nenad Pandurević, sekretar Komisije za vanjsku i trgovinsku politiku, carine saobraćaj i komunikacije Doma naroda PSBiH, Zoran Brkić, viši stručni saradnik u PSBiH, Radomir Marjanović, stručni savjetnik u Komisiji, Nihada Hadžić, stručni saradnik u Komisiji, i Emira Češljarić, sekretar Komisije za vanjsku trgovinu i carine.

Za sjednicu Komisije predložen je i jednoglasno usvojen sljedeći

D N E V N I R E D

1. Usvajanje Zapisnika 28. Sjednice Komisije;
2. Razmatranje Prijedloga zakona o izmjenama i dopuni Zakona o osnivanju Izvozno-kreditne agencije BiH, predlagač: Vijeće ministara BiH (na osnovu člana 104. Poslovnika Predstavničkog doma) radi dostavljanja mišljenja o principima Prijedloga zakona;
3. Razmatranje Izvještaja o radu Ministarstva vanjske trgovine i ekonomskih odnosa BiH za 2008.godinu, sadržanog u Izvještaju o radu Vijeća ministara BiH za 2008.godinu, radi dostavljanja mišljenja Predstavničkom domu.

Ad. 1. Usvajanje Zapisnika 28. sjednice Komisije

Zapisnik 28. sjednice Komisije usvojen je jednoglasno, bez primjedbi.

Ad. 2. Razmatranje Prijedloga zakona o izmjenama i dopuni Zakona o osnivanju Izvozno-kreditne agencije BiH, predlagač: Vijeće ministara BiH (na osnovu člana 104 Poslovnika Predstavničkog doma) radi dostavljanja mišljenja o principima Prijedloga zakona

U uvodnim napomenama o Prijedlogu zakona predsjedavajući sjednicom Slavko Jovičić rekao je da je Vijeće ministara uputilo, 10.2. 2009., Parlamentarnoj skupštini BiH Prijedlog zakona o izmjenama i dopuni Zakona o osnivanju Izvozno-kreditne agencije BiH, sa zahtjevom za razmatranje po osnovnom zakonodavnom postupku.

Kolegij Predstavničkog doma je, u skladu s članom 101. stav (2) Poslovnika, 17. 2. 2009., odredio Komisiju za vanjsku trgovinu i carine kao nadležnu za razmatranje Zakona.

Ustavnopravna komisija Predstavničkog doma na 63. sjednici, održanoj 26.2. 2009., razmatrala je Prijedlog zakona o izmjenama i dopuni Zakona o osnivanju Izvozno-kreditne agencije BiH, predlagača Vijeća ministara BiH, i većinom glasova utvrdila postojanje valjanog ustavnopravnog osnova za njegovo donošenje, te da je Prijedlog zakona o izmjenama i dopuni Zakona o osnivanju Izvozno –kreditne agencije BiH usklađen sa Ustavom BiH i pravnim sistemom.

U raspravi su učestvovali: Slavko Jovičić, Jozo Križanović, Jerko Ivanković Lijanović, te u ime predlagača Miroljub Krunić i Lamija Kozarić-Rahman.

Miroljub Krunić rekao je da je Prijedlog zakona urađen na osnovu stvarnih potreba koje postoje i ustavnih ovlaštenja. Namjera je da se definiše učešće pojedinačnih osnivača u ukupnome kapitalu Agencije. Kako entiteti imaju različita mišljenja, kao kompromisno rješenje predloženo je da njihovo učešće bude 50% : 50%, dok bi BiH učešće bili grantovi sa istim omjerom. U korištenju ovih sredstava učešće bi bilo također proporcionalno. Ovaj Prijedlog zakona Vijeće ministara BiH dostavilo je PSBiH na razmatranje u redovnom postupku. Istaknuo je da se entiteti nisu mogli dogovoriti ko će biti većinski vlasnik, a predlagač zakona je ocjenio da je ovakvo rješenje pravično i primjenljivo.

Lamija Kozarić-Rahman rekla je da Agencija nema dovoljno sredstava za podmirenje potreba privrede. Kapital Agencije iznosi 38.183.000,00 KM, te u okviru ovog iznosa sredstava nisu u mogućnosti udovoljiti zahtjevima većine klijenata.

Država BiH treba ovlastiti Agenciju za davanje jamstava stranim bankama za domaće izvoznike, jer bi time prikupila značajan dio kapitala. Država jamči za IGA-u do visine njezinog kapitala, no Agencija ne može istupati u ime i za račun države, jer to nije propisano zakonom.

Jerko Ivanković Lijanović upitao je koliki je iznos sredstava za plasman i koeficijent obrta tih sredstava, kolika je naplativost i koji su instrumenti osiguranja? Poznato je da država nema sredstava za povećanje kapitala IGA-e, no ako bi ih imala, da li bi vaša jamstva prihvatili inostrani partneri?

Jozo Križanović tražio je dodatno objašnjenje za kapital Agencije i kredite Svjetske banke, odnosno je li kapital nastao zaduživanjem BiH i je li to vanjski dug BiH. Što se postiže ovim Zakonom sa stanovišta obveza vraćanja dosadašnjih kreditnih sredstava?

Na postavljena pitanja Jerka Ivankovića Lijanovića i Jozu Križanovića odgovore je dala Lamija Kozarić-Rahman.

Nakon rasprave, Komisija je **podržala principe predloženog zakona sa tri glasa “za” i dva „uzdržana“ glasa**, te će, na osnovu člana 104. Poslovnika Predstavničkog doma, dostaviti mišljenje predsjedavajućem.

**Ad. 3. Razmatranje Izvještaja o radu Ministarstva spoljne trgovine i ekonomskih
odnosa BiH za 2008.godine sadržanog u Izvještaju o radu Vijeća ministara
BiH za 2008.godinu, radi dostavljanja mišljenja Predstavničkom domu**

Vijeće ministara BiH je na 75. sjednici, održanoj 5.2.2009. razmotrio i usvojio pojedinačne izvještaje o radu ministarstava, objedinio ih i dostavio Parlamentarnoj skupštini BiH 12.2.2009., kao Izvještaj o radu Vijeća ministara BiH za 2008.godinu. Na osnovu stava Kolegija Predstavničkog doma, Izvještaj je dostavljen svim komisijama dopisom od 19.2.2009., sa zadatkom da ih razmotre u okviru svoje nadležnosti te Domu dostave svoje mišljenje.

U raspravi su učestvovali: Hamdo Tinjak, Slavko Jovičić, Salko Sokolović i Jozo Križanović.

Nakon rasprave a imajući u vidu da sjednici Komisije nije prisutan ministar navedenog ministarstva, Komisija je jednoglasno **zaključila** da razmatranje navedenog izvještaja odgodi za narednu sjednicu Komisije uz obavezno prisustvo ministra vanjske trgovine i ekonomskih odnosa BiH.

Sjednica je završena u 15,15 sati.

Sekretar Komisije
Emira Češljar

Privremeni predsjedavajući Komisije
Slavko Jovičić